

# 1 Mandat for nominasjonsnemndene og prosess

## 2 Stortingsvalkrinsane Hordaland og Sogn og Fjordane til stortingsvalet 2025.

3 Hovudmålet for nominasjonsprosessane er å sørge for at SV stiller til val med gode  
4 kandidatar, som er klare til å gjere ein god jobb fram mot valet – og klare for å ta sete  
5 på Stortinget.

6 Landsstyret i SV har vedteke at det er eit mål at nominasjonsprosessane framfor  
7 stortingsvalet skal vere opne. Det skal vere mogleg for alle medlemmer og lokallag å  
8 kunne engasjere seg i, og dermed vere med å bestemme, kven som skal  
9 representere SV på Stortinget i perioden 2025-2029.

10 Utsendingane på fylkesårsmøtet i Vestland SV vel nominasjonsnemnd for  
11 stortingsvalkrins Hordaland og stortingsvalkrins Sogn og Fjordane. Nemndene har  
12 fem medlemmer kvar. Vestland SU har ein plass i kvar av nemndene.

13 Nemndene legg opp sitt eige arbeid innanfor det mandatet fylkesårsmøtet vedtek.

14 Kvar av nemnde skal få sekretærhjelp frå fylkeskontoret til Vestland SV.

15 Nominasjonsnemndene skal så langt det er praktisk mogleg delta på  
16 skuleringsopplegget for nominasjonsarbeid som SV sentralt inviterer til.

## 17 Open innspelsrunde

18 I løpet av mars skal fylkeskontoret på vegne av nemndene sende ut informasjon til  
19 alle medlemmene, lokallaga, bydelslag (i Hordaland) og Vestland SU om korleis det  
20 er mogleg å melde seg som kandidat, korleis melde inn framlegg til kandidatar og  
21 anna innspel til nominasjonsnemndene.

22 Det vert sett ein felles frist for å kome med framlegg til dei to nemndene. Fristen vil  
23 vere **1. mai 2024**.

24 Deretter arbeider nemndene kvar for seg med innspel og framlegga dei har fått.  
25 Nemndene skal avklare med dei fremste listekandidatane frå førre stortingsliste  
26 ynskjer å stille på nytt, undersøkje om føreslåtte kandidatar er kandidatar og sjølve  
27 leite etter kandidatar for å sikre seg brei representasjon på stortingslista.

28 Landsstyret i SV seier dette om listestillingsarbeid: «En viktig del av dette arbeidet er  
29 å jobbe for et mangfold i bakgrunn blant medlemmer, folke- og tillitsvalgte. Særlig  
30 viktig blir det å få med grupper som er underrepresentert i politikken ellers og som har  
31 interesse av SV-politikk som minoriteter, fagarbeidere, og arbeiderklasseyrker».

32

## 33 Fyrste runde for listeframlegg

34 Nominasjonsnemndene skal sende ut sitt fyrste utkast til stortingsliste på høyring til  
35 lokallaga. Frist for å gjere dette er innan **1. september 2024**. Då skal lokallaga ha 20  
36 dagar på å melde tilbake synspunkt på lista.

## 37 **Endeleg framlegg til stortingsliste**

38 Nominasjonsnemnda skal deretter, på bakgrunn av innspel frå lokallaga, leggje fram  
39 sitt endelege framlegg til stortingsliste. Denne lista skal gjerast kjent 30 dagar før  
40 nominasjonsmøtet. Vestland SV sine vedtekter seier 14 dagar, med vedtektene til SV  
41 over våre vedtekter og slår fast at listeframlegga skal vere klare 30 dagar før  
42 nominasjonsmøta. Innkalling til nominasjonsmøta skal sendast ut 30 dagar før  
43 nominasjonsmøta.

44 Nominasjonsmøta vedtek eigen forretningsorden. Det er likevel slik at om utsendingar  
45 fremje «benkeframlegg» (endringsforslag) til stortingsliste-framlegget frå nemnda, er  
46 fristen for det 5 dagar før nominasjonsmøtet.

47

48 Nominasjonsmøtet i **Hordaland** vert **laurdag 2. november\***

49 Nominasjonsmøtet i **Sogn og Fjordane** vert **laurdag 9. november\***

50 *(\*om fylkesstyret vurderer at vi lyt endre tidspunktet skal det avklarast i veldig god tid).*

51

52 \*\*\*

53

54 Dette seier vedtektene til Vestland SV om nominasjonsarbeidet for val til Stortinget:

## 55 **Kapittel IV: Nominasjonsarbeidet framfor Stortingsval**

### 56 § 6 To valdistrikt ved stortingsval

57 Så lenge Hordaland og Sogn og Fjordane held fram som to valdistrikt vil det bli halde  
58 eitt nominasjonsmøte for kvart valdistrikt.

### 59 § 6.1 Val av nominasjonsnemnd

60 Fylkesstyret legg fram tilråding til to nominasjonsnemnder for fylkesårsmøtet året før  
61 valåret. Berre utsendingane frå Sogn og Fjordane har røysterett i val av  
62 nominasjonsnemnd for Sogn og Fjordane, og berre utsendingane frå Hordaland har  
63 røysterett i val av nominasjonsnemnd for Hordaland.

### 64 § 6.2 Ansvar og oppgåver

65 Før nominasjonsnemndene utarbeidar sitt fyrste framlegg til valliste, skal lokallaga og  
66 medlemmer ha høve til å kome med framlegg og innspel til nemnda. Nemnda sitt  
67 fyrsteutkast skal sendast på høyring til lokallaga med rimeleg tilbakemeldingsfrist, før  
68 nemnda kunngjer sitt siste framlegg til valliste. Nominasjonsnemndene sitt endelege  
69 listeframlegg skal vere lokallaga i hende seinast 14 dagar før møtet. Elles gjeld dei  
70 reglar for nominasjon og listeinnlevering som er gjevne i vallova eller i forskrifter til  
71 vallova. Nominasjonsmøtet vedtek det endelege listeframlegget.

72 § 6.3 Innkalling til nominasjonsmøte

73 Fylkesstyret kallar inn til to nominasjonsmøte, eitt for Hordaland og eitt for Sogn og  
74 Fjordane. Kunngjering må sendast lokallaga seinast 30 dagar før møtet.  
75 Nominasjonsmøte skal seinast haldast som eige særsmøte på fylkesårsmøtet i valår.

76 § 6.4 Samansetjing av nominasjonsmøtet

77 Dei to valdistrikta har kvart sitt nominasjonsmøte. Ein legg SV sitt sentrale  
78 medlemsregister pr. 31.12. året før til grunn for utrekninga. Nominasjonsmøtet vert  
79 sett saman av utsendingar frå lokallaga etter same fordelinga som tidlegare  
80 nominasjonsmøte i Hordaland og Sogn og Fjordane. For nominasjonsmøte for  
81 valkrinsen Sogn og Fjordane gjeld slik fordeling av utsendingar mellom lokallaga:  
82 Inntil 20 medlemmer: 2 utsendingar, inntil 21–35 medlemmer: 3 utsendingar, inntil  
83 36–50 medlemmer: 4 utsendingar og over 50 medlemmer: 5 utsendingar. Sosialistisk  
84 Ungdom kan møte med tal utsendingar etter medlemstal i Sogn og Fjordane som for  
85 eit lokallag. Utsendingane må være bustadsregistrert i valdistriktet.

86 For nominasjonsmøte for valkrinsen Hordaland gjeld slik fordeling av utsendingar  
87 mellom lokallaga: Lokallaga med 1-15 medlemmer får 1 utsending, 16-30 medlemmer  
88 får 2 utsendingar, 31-45 medlemmer får 3 utsendingar og så vidare. Ingen lokallag  
89 kan likevel åleine ha meir enn 40% av det totale talet på moglege  
90 lokallagsutsendingar. Sju utsendingar oppnemnt av Vestland SU sitt fylkesstyre kan  
91 møte med fulle rettar på nominasjonsmøtet. Utsendingane må være bustadsregistrert  
92 i valdistriktet.